


Republic of the Philippines
Province of Bulacan
City of Malolos



OFFICE OF THE CITY MAYOR

ATAS TAGAPAGPAGANAP BLG. 40
Serye 2020

PAGTATAKDA NG MGA PANUNTUNANG IPATUTUPAD SA LUNGSOD NG MALOLOS MULA IKA-1 NG AGOSTO HANGGANG SA ANG KLASIPIKASYONG PANGKUWARENTINANG *GENERAL COMMUNITY QUARANTINE* AY MABAGO.

SAPAGKAT, alinsunod sa Resolusyon Blg. 60-A ng Inter-Agency Task Force for the Management of Emerging Infectious Diseases, ang lalawigan ng Bulacan ay isinailalim sa klasipikasyong pangkuwarentinang General Community Quarantine;

SAPAGKAT, alinsunod sa Seksyon 15 Artikulo II ng Konstitusyon ng Republika ng Pilipinas 1987, dapat itaguyod at pangalagaan ng Estado ang karapatan sa kalusugan ng mga mamamayan at ikintal ang kamalayang kalusugan sa kanila;

SAPAGKAT, alinsunod sa Seksyon 16 ng Kodigo ng Pamahalaang Lokal ng Pilipinas 1991, nararapat na siguraduhin at suportahan ng mga pamahalaang lokal ang kalusugan at kaligtasan ng kanilang mamamayan bilang bahagi ng pangkalahatang kapakanan sa kani-kanilang nasasakupan;

SAPAGKAT, alinsunod sa Seksyon 455 (2) (iii) ng Kodigo ng Pamahalaang Lokal ng 1991, ang Punong Lungsod bilang Punong Tagapagpaganap ng pamahalaang lungsod ay may kapangyarihang mag-akda ng mga atas tagapagpaganap para sa taimtim na pagsasagawa ng mga batas at ordinansa;

NGAYON, SAMAKATUWID, ako, si **INH. GILBERT T. GATCHALIAN**, Punong Lungsod ng Lungsod ng Malolos, Lalawigan ng Bulacan, sa bisa ng kapangyarihang kaloob sa akin ng mga umiiral na batas, ay ipinag-uutos ang mga sumusunod:

SEKSYON I. MULING PAGPAPATUPAD NG PAGGAMIT NG HOME QUARANTINE PASS. Ang paggamit ng home quarantine pass ay muling ipatutupad. Bukod sa mga Authorized Persons Outside Residences, isa lamang sa bawat bahay ang pahihintulutang makalabas upang makabili o makapagsagawa ng transaksyon sa mga establisyimentong pinahihintulutang magbukas.

Ang lahat ng establisyimentong may pahintulot na magbukas ay muling tinatagubilang tanging ang mga APOR at mga indibidwal na napagkalooban ng home quarantine pass lamang ang maaaring papasukin sa kanilang mga establisyimento. Para sa mga hindi residente ng Lungsod, liban sa Pamilyang Bayan ng Malolos na magpapanatili ng clustering, maaari silang makapasok sa mga establisyimento kung sila ay makapagpakita ng quarantine pass o pahintulot mula sa pamahalaang lungsod / bayan na kanilang kinabibilangan.

SEKSYON I.1 MGA AUTHORIZED PERSON OUTSIDE RESIDENCES (APOR).

Ang mga APOR ay ang mga sumusunod:

1. Frontliners at healthworkers;
2. Mga opisyal at kawani ng mga ahensiya ng Pamahalaan;
3. Mga manggagawa/manininda ng mga establisyimentong may pahintulot nang magbukas;
4. Mga Opisyal at kawani ng mga foreign diplomatic missions and international organizations;
5. Mga Pastor, Pari, Imam at iba pang ministrong pang-relihiyon kaugnay sa kanilang pagsasagawa ng funeral rites;
6. Mga nagbabalik na Overseas Filipino Workers, sa araw na itinalagang kanilang pag-uwi sa Lungsod ng Malolos;
7. Mga indibidwal na may edad 21-59, na hindi kasama sa mga nabanggit, na napagkalooban ng quarantine pass.

SEKSIYON I.2 Sa lahat ng pagkakataon, ang mga may pahintulot na lumabas ay nararapat na magsuot ng face mask at sumunod sa mga ipinatutupad na panuntunin patungkol sa physical distancing.

SEKSYON II. PAGPAPANATILI NG CLUSTERING SA PAMILYANG BAYAN NG MALOLOS. Patuloy na ipatutupad ang clustering ng mga barangay sa Pamilyang Bayan.

SEKSYON III. MAHIGPIT NA PAGRE-REPORT SA MGA BARANGAY OFFICIALS NG LAHAT NG BALIKBAYAN AT MGA MALOLENYONG NAGBALIK MULA SA IBANG BAYAN. Lahat ng Balikbayan, mga Malolenyong nagbalik mula sa ibang bayan, at mga Malolenyong stranded sa ibang bayan na nagbalik sa Lungsod ay inaatasang makipag-ugnayan sa pamahalaang barangay na nakasasakop na kanilang tirahan upang masiguro ang pagtupad sa *14-day quarantine protocol*.

SEKSYON III.1 Ang lahat ng Balikbayan o OFW na magbabalik sa Lungsod ng Malolos ay nararapat na makapagpakita ng quarantine clearance at medical certificate bago makapasok sa Lungsod. Magkagayunman, sila ay isasailalim pa rin sa 14-day home quarantine sa kanilang pagdating sa Lungsod.

SEKSYON III.2 Ang lahat ng Maloleno na naipit sa ibang lugar ngayong panahon ng community quarantine o mga *locally stranded individuals*, alinsunod sa National Task Force Against COVID-19 Order No. 2020 – 02, ay nararapat na kumuha ng medical certificate sa Municipal Health Officer o City Health Officer ng bayan o lungsod kung saan sila ay stranded; at ng travel authority mula sa awtorisadong kinatawan ng Philippine National Police.

SEKSYON IV. REGULASYON PATUNGKOL SA MGA PAMPUBLIKONG TRANSPORTASYON. Pinahihintulutan ang pampublikong transportasyon sa ilalim ng *General Community Quarantine*. Tanging ang mga drayber na may edad 21-59 ang pinapayagang makapamasada.

SEKSYON IV.1 PAMANTAYANG PANGKALUSUGAN. Ang mga tsuper ng pampublikong transportasyon ay kinakailangang sundin ang mga sumusunod:

1. Ang pagsusuot ng face mask, goggles o anumang proteksyon sa mata at gloves sa lahat ng oras;
2. No facemask, no ride policy. Tanging mga may face mask lamang ang maaaring pasakayin sa mga pampublikong sasakyan;
3. Para sa mga traysikel, maglagay ng pisikal na harang sa pagitan ng motor at sidecar;
4. Para sa mga jeepney, maglagay ng harang sa pagitan ng hilera ng upuan. Kinakailangan ding maglagay ng marka sa mga bahagi ng upuan kung saan uupo ang mga pasahero upang masiguro na mayroong pagitan para masunod ang protocol ng social distancing;
5. Upang maiwasan ang pag-aabot ng bayad sa jeepney, ang mga drayber ay gagawa ng alternatibong pamamaraan upang hindi magpasahan ng bayad ang mga pasahero.

SEKSYON IV.2. Sa lahat ng pagkakataon, isang tao lamang ang maaaring maging pasahero ng tricycle. Para naman sa mga dyip at UV Express, kalahati lamang ng kapasidad ang maaaring isakay.

SEKSYON IV.3 Lahat ng pampublikong sasakyan ay inaatasang magsagawa ng kinakailangang paglilinis o disinfection sa pagitan ng pamamasada o kaya'y habang nasa terminal sa mga parte ng sasakyang laging mahahawakan, gaya ngunit hindi lamang, ng upuan, tagiliran, patungan ng kamay or armrest at salalayan ng gamit.

SEKSYON IV.4 Ang pagkuha ng temperature ng mga mananakay gamit ang mga thermal scanner ay nararapat na isagawa sa lahat ng terminal ng pampublikong jeepney at traysikel.

SEKSYON IV.5. Ang Fare Matrix ay dapat na nakapaskil sa loob ng bawat sasakyan sa lugar na madaling matanaw ng mga pasahero.

SEKSYON V. MGA ESTABLISYIMENTO / INDUSTRIYA NA PINAHIHINTULUTANG BUKAS NGAYONG GCQ. Ayon sa Section 4 Item 6 ng Omnibus Guidelines, ang mga establisyimentong pinahihintulutang magbukas sa panahon ng Enhanced Community Quarantine ay maaari ng magbukas gamit ang 100% ng kanilang manggagawa. Bukod dito, narito ang mga industriya na may karampatang porsyento ng manggagawa lamang ang maaaring magbalik sa trabaho:

- a. **Category I Industries** – Power, energy, water and other utilities, agriculture, fishery, and forestry industries, food manufacturing and food supply chain businesses, including food retail establishments such as supermarkets, grocery stores, and food preparation establishments insofar as take-out and delivery services, food delivery services, health-related establishments, the logistics sector, information technology and telecommunication companies, the media, **at full operational capacity**.
- b. **Category II Industries** – Mining and other manufacturing, and electronic commerce companies, as well as other delivery, repair and maintenance, and housing and office services, **at anywhere between fifty percent (50%) up to full operational capacity**, and without prejudice to work-from-home and other alternative work arrangements; and
- c. **Category III Industries** – Financial services, legal and accounting, and auditing services, professional, scientific, technical, and other non-leisure services, and other non-leisure wholesale and retail establishments, **at fifty percent (50%) operational capacity**, and without prejudice to work-from-home and other alternative arrangements.

Bukod sa nabanggit, ayon sa Resolusyon Blg. 59 ng IATF-EID na may petsang 28 Hulyo 2020, pinahintulutan nang magbukas ang mga sumusunod na establisyimento **na hindi hihigit sa 30% operational capacity**:

1. Gym/ Fitness studios and sports facilities;
2. Internet and computer shops for work and educational purposes;
3. Educational and educational support establishments (testing centers, tutorial, review centers);
4. Kid amusement industries;
5. Libraries, archives, museums and cultural centers, tourist destinations;
6. Travel agencies, tour operators, reservation service and related activities;
7. Other personal care services; and
8. Pet grooming services.

Alinsunod sa DTI Memorandum Circular Blg. 20-38, para sa mga lugar na nasa ilalim ng General Community Quarantine, ang mga **barbers at salons** ay pinahintulutan ng tumanggap ng customers hanggang sa **50% ng kanilang operational capacity** ng hair-cutting services at hair-treatment services.

Alinsunod sa DTI Memorandum Circular Blg. 20 – 39, hindi dapat lumagpas sa **50% dine-in capacity** ang bilang ng customer na pinahihintulutang papasukin sa mga **restawran**.

SEKSYON VI. REGULASYON PATUNGKOL SA MGA MALL AT SHOPPING CENTER. Ang mga malls at shopping center ay nararapat tumalima sa guidelines ng Department of Trade and Industry – Memorandum Circular No. 20 – 21.

Ang mga may edad 20 pababa at 60 pataas, mga may immunodeficiency, comorbidity, mga nagdadalang-tao, at may mga health risks, ay makapapasok lamang sa mga malls at shopping centers kung sila ay napagkalooban ng quarantine pass- i.e. sila ay walang ibang kasama sa bahay na mayroong home quarantine pass upang makabili ng mga pangunahing pangangailangan.

Tanging mga APOR at ang mga napagkalooban na quarantine pass ang maaaring makapasok sa mga Mall at Shopping Centers.

SEKSYON VII. OPERASYON SA MGA OPISINA NG GOBYERNO. Ang mga opisina ng gobyerno ay maaari ng magbigay ng serbisyo gamit ang 100% ng kanilang mga manggagawa ngunit maaari pa ring maghatid ng serbisyo sa pamamagitan ng skeleton workforce o iba pang alternatibong paraan ng paggawa alinsunod sa mga alituntunin ng *Civil Service Commission*.

SEKSYON VIII. PAMANTAYAN PATUNGKOL SA MGA MASS GATHERING. Ang Tanging mga pagtitipon na patungkol sa pagbibigay ng kritikal na serbisyo ng pamahalaan at *humanitarian activities* na may pahintulot ng pamahalaang lokal ang maaaring ganapin ngayong GCQ. Ang mga *religious gathering* ay pinahihintulutan sa kondisyong hindi lalagpas sa sampung (10) katao lamang ang dadalo. Hindi pinahihintulutan ang mga pagtitipon gaya ng konsiyerto, panunuod ng sine, sporting events, community assemblies at iba pang walang kaugnayan sa pagtupad sa mga gampanin ng mga APOR.

SEKSYON IX. MAHIGPIT NA PAGPAPATUPAD NG ISOLATION NG MGA INDIBIDWAL NA “COVID-19 SUSPECTS”. Ang sinumang matukoy ng Contact Tracing Team ng Lungsod na nagkaroon ng close contact sa isang *COVID-19 patient* at nagpakita ng sintomas ng coronavirus na walang sariling bukod na silid sa kanyang tahanan at natukoy ng mga manggagamot na hindi kailangan ng pagpapaospital ay agarang dadalhin ng Contact Tracing Team ng Lungsod sa isa sa mga *isolated facilities* ng Lungsod.

Ang Kapulisan at ang Tanggapang ng Panlungsod na Manananggol ay maaaring magsampa ng kaukulang kaso sa ilalim ng Republic Act 11332 na mas kilala bilang “Mandatory Reporting of Notifiable Diseases and Health Events of Public Health Concern Act” para sa mga hindi tatalima sa alituntuning ito.

SEKSYON X. PAG-INOM NG ALAK / PAGSUSUGAL. Sa kadahilanang patuloy na tumataas ang bilang ng kaso ng COVID-19 sa Lungsod, ang pag-inom ng anumang inuming nakalalasing ay hindi pinahihintulutan liban sa sariling tahanan. Gayundin, ang pagsusugal ay hindi pinahihintulutan habang ang Lungsod ay nasa ilalim ng *General Community Quarantine*.

SEKSYON XI. CURFEW. Maliban sa mga APOR at sa mga indibidwal na mayroong travel authority mula sa PNP, magpapatupad pa rin ng curfew sa ating lungsod at ito ay mula ika-sampu ng gabi(10 PM) hanggang ika-lima ng umaga(5 AM). Ito ay bilang pagbibigay-daan sa mas pinahabang oras ng pagbubukas ng mga establisyimento na ayon sa IATF Guidelines.

SEKSYON XII. KAPARUSAHAN. Ang sinumang lalabag sa Atas na ito ay maaaring sampahan ng kaukulang kaso ng Kapulisan o ng Tanggapan ng Panglungsod na Manananggol.

SEKSYON XIII. SUGNAY NA NAGBUBUKLOD. Anumang kautusan o polisiya ang ilathala ng Pamahalaang Panlalawigan, lalo't higit ng Pamahalaang Nasyunal, ay ginagawang bahagi ng Atas na ito.

SEKSYON XIV. SUGNAY NG PAGHIHIWALAY. Sakaling ang alinman sa mga sugnay ng Atas na ito ay maipawalang-bisa, mananatiling may bisa ang lahat ng sugnay na maaaring ihiwalay sa sugnay na nawalan ng bisa.

SEKSYON XV. KABISAAN. Ang Atas Tagapagpaganap na ito ay binibigyang kabisaan mula sa unang araw ng Hunyo, taong kasalukuyan.

Nilagdaan ngayong ika-1 ng Agosto, 2020. Lungsod ng Malolos, Lalawigan ng Bulacan.


INH. GILBERT T. GALCHALIAN
Punong Lungsod